



CENTAR ZA MIR I MULTIJETNIČKU SARADNJU MOSTAR
BOSNA I HERCEGOVINA

Osmana Đikića br. 8
88000 Mostar

Tel: 036 556 280
Fax: 036 556 281

info@centarzamir.org.ba
www.centarzamir.org.ba

Mostar, 8.1.2021. br, 8/1/21

GRADSKO VIJEĆE GRADA SARAJEVA
PREDSJEDAVALJUĆI GRADSKOG VIJEĆA
Komisija za izbor i imenovanja

Bosna i Hercegovina - Federacija Bosne i Hercegov.
Kanton Sarajevo - GRAD SARAJEVO
GRADSKO VIJEĆE

PRIMLJENO:	12. 01. 2021		
Org. jed. broj		Letak	
01-02-04-14/21			

Predmet: Prijedlog za dodjelu priznanja „Počasni građanin Grada Sarajeva“ gospodinu Josipu Muselimoviću

Poštovani,

U skladu sa odredbom člana 12. Odluke o priznanjima i nagradi Grada Sarajeva („Službene novine Kantona Sarajevo“, br. 34/10 – Prečišćeni tekst, 14/14, 31/14 i 11/20), podnosimo

PRIJEDLOG

da se dodijeli priznanje „Počasni građanin Grada Sarajeva“ gospodinu Josipu Muselimoviću

OBRAZLOŽENJE

Istaknuti kulturni djelatnik u gradu Mostaru, gospodin Josip Muselimović je laureat priznanja Mimar mira, kojeg mu je ovaj Centar dodjelo 2015. godine za njegov doprinos procesu uspostave međuetničkog mira, pomirenja i međusobnog razumijevanja u postratnom periodu. Kao predsjednik Matice hrvatske Mostar, te aktivnosti je ostvario prije svega preko organizacije kulturnih programa festivala Mostarsko proljeće - Dani Matice hrvatske Mostar, rukovodeći se principom povezivanja svih kulturnih ustanova širom Bosne i Hercegovine, regiona i šire. U kontinuitetu od dvije decenije, gospodin Josip Muselimović uspio je preko kulturnih sadržaja naparaviti mostove mira i uspostaviti dijalog sa nizom bosanskohercegovačkih gradova i time znatno doprinjeti njihovom povezivanju i intenziviranju saradnje.

Upravo u tom pravcu uspio je animirati sve kulturne ustanove u Sarajevu čiji su programi uvršteni i realizovani u festival Mostarsko proljeće, koji je nakon zadovoljenja oštih kriterija uključen u Evropsku asocijaciju festivala i time povezao našu zemlju sa Evropom.

Muselimović je tokom posljednjih dvadeset godina uspio dovesti u Mostar sarajevske recentne kulturne ustanove od kojih navodimo samo neke poput anasambala Opere i Baleta Narodnog pozorišta, Narodnog pozorišta, Kamernog teatra, SARTRA, Collegium artisticum, Sarajevsku filharmoniju kao i književnike i pjesnike te brojne samostalne artiste iz svih grana umjetničkog stvaralaštva.

Iz navedenih razloga toplo preporučujemo g. Josipa Muselimovića za vaše uvaženo priznanje koje dodjeljujete zaslužnim osobama.

Direktor
Safet Oručević



Žiro račun: 19905300090615 - 91

Sparkasse Bank d.d. BIH Poslovnica Mostar

Josip Muselimović, akademik, književnik i odvjetnik

Članstvo:

- Hrvatska akademija znanosti i umjetnosti BiH,
- Društvo pisaca BiH,
- Društvo hrvatskih književnika Herceg-Bosne,
- Društvo hrvatskih književnika, Zagreb
- PEN-centar Bosne i Hercegovine i
- Matica hrvatska (1970)

Uredništvo:

- Utemeljitelj i glavni urednik časopisa Advokat / Odvjetnik (1998. – 2002.)
- Utemeljitelj (1997.) te glavni i odgovorni urednik časopisa Motrišta (2015. – danas)

Objavljene knjige:

- *Poštovani suci, zašto?*, Mostar, 1989. i 1991;
- *Savršen zločin / Druga savjest (drame)*, Mostar, 1997;
- *Moje odvjetničke godine*, Sarajevo – Zagreb, 2008;
- *Josip Muselimović - 35 godina u službi pravde i humanizma (monografija)*, Mostar, 2009;
- *Probuđena sjećanja*, Sarajevo, 2012;
- *Mostarski dragulji*, Sarajevo, 2013.
- *Mostarski dragulji i druge priče*, Mostar, 2014.
- *Tri dragulja i trideset tri priče*, Mostar, 2015.
- *Sve je moguće*, Mostar, 2016.
- *I to je to*, Mostar, 2017.
- *Mostarski dragulji*, 2018.
- *Kud plovi ovaj brod*, 2019.

Izvedene drame:

- *Savršen zločin*, Hrvatski radio – Treći program, Zagreb 1995;
- *Druga savjest*, Hrvatsko narodno kazalište Mostar, 1996;
- *Tek iza rešetaka sam osjetila slobodu*, Radio Beograd – Dramski program, 2009.

Književne nagrade:

- Prva nagrada za dramski tekst na godišnjem natječaju *BH Radija 1*, 2008.

Pregled državnih, društvenih i profesionalnih priznanja:

- Odlikovanje Republike Hrvatske - Red Danice hrvatske s likom Marka Marulića, 3. lipnja 2008.
- Zlatna Povelja Matice hrvatske Zagreb; Zagreb, 10. lipnja 2006.
- Zlatna Povelja, Plaketa i Značka Internacionalne lige humanista s imenom nobelovca Linus Paulinga; 21. svibnja 2009.
- Zlatna Povelja Internacionalne lige humanista, s titulom Internacionalnog odvjetnika obespravljenih osoba; Sarajevo, 21. svibnja 2009.

- Orden grada Mostara; Mostar, 2. veljače 2013.
- Orden Turksoy - Republika Turska; 30. svibnja 2019.
- Zlatna Povelja Odvjetničke komore FBiH za životno djelo u profesiji; Sarajevo, 6. rujna 2003.
- Zlatna Povelja Hrvatske odvjetničke komore s imenom dr. Ivo Poljeta, za životno djelo u profesiji; Zagreb, 6. rujna 2007.
- Zlatna Povelja Advokatske komore Srbije, za životno djelo u profesiji; Beograd 27. veljače 2010.
- Zlatna Povelja Advokatske komore Crne Gore za životno djelo u profesiji; Podgorica, 8. prosinca 2009.
- Zlatna Povelja Advokatske komore Makedonije, za životno djelo u profesiji; Skoplje, 29. svibnja 2010.
- Zlatna Povelja Advokatske komore Vojvodine, za životno djelo u profesiji; Novi Sad, 24. travnja 2010.
- Zlatna Povelja Advokatske komore Republike Srpske, za životno djelo u profesiji; Banja Luka, 24. lipnja 2016.
- Povelja Centra za mir i multietičku suradnju, za predan rad na promociji mira; Mostar, 23. srpnja 2017.

Drugi o Josipu Muselimoviću:

Ja sam preponosan da mogu biti danas među vama i ponizno mogu pozdraviti našega velikana, našeg prijatelja i sve ono što ste vi kazali, koliko god se nas trudilo ovdje, nekih 250 – 300, još neku rečenicu o Josipu kazati, ja vas uvjeravam – malo ćemo kazati.

Čuli ste ove gromade ljudske izvana koje su dostigle jednu posebnu razinu i svojom pažnjom upućuju riječi našem Josipu. A vidite, mi samo kažemo – *naš Josip, naš prijatelj, naš dragi prijatelj. (Akademik Dragan Čović)*

Josip je vrlo jednostavan čovjek. Temeljna crta njegove osobnosti je plemenitost, uvijek i iznad svega. Po tome je prepoznatljiv i u profesionalnom i u društvenom životu, i kod prijatelja, i kod susjeda i kod svojih sugrađana, i u svih ljudi koje je bilo kada i na bilo koji način susreo. Bilo gdje sam putovala, a putovala sam, ljudi s kojima sam razgovarala uvijek su vezali pozitivne događaje u gradu Mostaru uz ime Josipa Muselimovića. **(Akademkinja Ljerka Ostojić)**

Rijetko viđena promocija u Kamernom teatru 55 u Sarajevu. Josip Muselimović okupio najbolje što Sarajevo ima! Naširoko znan, uvažen i omiljen, mostarski odvjetnik, žurnalist, pisac i kulturni

djelatnik JOSIP MUSELIMOVIĆ promovirao je danas, u magičnoj Sali Kamernog teatra 55 troknjižje svojih publicističkih djela nastalih u posljednjih dvadesetak godina: I TO JE TO, MOSTARSKI DRAGULJI, KUD PLOVI OVAJ BROAD. Promociju je moderirao ambasador Republike Slovačke u BiH NJ. E. Martin Kačo, a o knjigama i ukupnome značaju života i rada g. Muselimovića kazivali su i prof. dr. Mladen Bevanda, legendarni nogometaš, golman i jedini sportaš s titulom akademika - Ivan Ćurković, velikan naše političke istorije Bogić Bogićević, maestro Ivica Šarić, prvak Opere Narodnog pozorišta u Sarajevu, te malenkost ovog zapisivača. Nije on bio jedini kome su oči zasuzile kada se, po završetku zvaničnog dijela promocije, zapjevala kajkavska popevka „Za svaku tvoju riječ“. Glasu Ivica Šarića se iz publike pridružio još uvijek divni sopran naše Amile Bakšić...Događaj koji se dugo neće moći zaboraviti! **(Akademik Abdulah Sidran)**

Josip po rođenju nije patricij, ali po odgoju, kulturi, manirima, uljudnosti, otmjenosti, džentlmen je od glave do pete, pravi aristokrat duha. U pravu su oni koji predlažu da se njegove knjige uvrste u lektiru za srednje škole i fakultete, a političarima budu obvezna literatura. **(Akademik Mladen Bevanda)**

Knjiga koja ne samo da ima vrijednost unutar struke kojoj autor pripada nego ima i svoju književnu vrijednost unutar oduvijek omiljena žanra trillera koji za svoj sadržaj uzima široko polje najrazličitijih ljudskih prijestupa. (...) dragocjen prinos i kao stručno djelo i kao ljeposlovno štivo. **(Akademik Luko Paljetak)**

Pravda je spora, ali i dostižna, tako da uz uvažavanje te činjenice ističem radost i osobnu sreću kao i odobravanje svih matičinih ogranaka po svijetu što ova Povelja ide u ruke Josipa Meselimovića i Matice hrvatske-Mostar, koji su, djelujući u okolnostima u kakvima bi se mnogi naši drugi ogranci ugasili, uspjeli stvoriti najrespektabilniji matičin festival – Dani Matice hrvatske – Mostarsko proljeće u Mostaru, a takvoga nikada nije uspjela napraviti ni glavna Matičina organizacija u Zagrebu niti i jedna druga u svijetu. **(Igor Zidić, predsjednik Matice hrvatske, uz dodjelu Zlatne povelje Matice hrvatske Josipu Muselimoviću)**

Stručnim i savjesnim obranama, odnosom prema profesiji i njenom podmlatku, širokim poljem djelovanja - on je postao uzor i putokaz svojim suvremenicima. On je istinski velikan ovovremenog odvjetništva. **(Leo Andreis, predsjednik Hrvatske odvjetničke komore, uz dodjelu Zlatne povelje i plakete dr. Ivo Politeo)**

Jednoga dana će Tvoja djeca i prijatelji shvatiti da nije jednostavno živjeti i poslije smrti, jer u to treba uložiti gotovo čitav svoj život. **(Odvjetnik Silvije Degen)**